

Haraldur Birgir Haraldsson,
Skipulags- og byggingarfulltrúi
Suðurlandsveg 1-3
850 Hella



UMHVERFISSTOFNUN

Reykjavík, 9. janúar 2014
Tilvísun: UST20131100147/ksj

Tillaga að deiliskipulagi fiskeldisstöðvar að Galtalæk Landsveit

Vísað er til erindis skipulags- og byggingarfulltrúa Rangárpings ytra er barst 21. nóvember sl. þar sem óskað er umsagnar um tillögu að deiliskipulagi fiskeldisstöðvar að Galtalæk í Landsveit. Svæði fiskeldisstöðvarinnar hefur ekki verið deiliskipulagt áður.

Staðsetning og lóð

Í greinargerð með deiliskipulagstillögunni kemur fram að lóð íslenskrar Matorku er 2,400 m² að stærð og liggur meðfram Galtalæk. Einnig kemur fram að í dag fer fram áframeldi bleikju, en seiðin koma 70 -100 g að stærð frá seiðældi í Fellsmúla og að á lóðinni eru ker fyrir fiskeldi og geymsluskúr. Frárennsli frá fiskeldinu rennur í Galtalæk. Allur aðgangur inn á lóð er bannaður. Lóð fiskeldisstöðvarinnar er skilgreind í deiliskipulagstillögunni sem iðnaðarlóð. Frárennsli frá stöðinni rennur í dag út í Galtalæk.

Tillaga að deiliskipulagi

Deiliskipulagstillagan nær til afmörkunar lóðar, svæðis fyrir geymslugáma, geymsluskúrs. Einnig er gert ráð fyrir í tillögunni að girðing og hlið verði sett á lóðarmörk, svo loka megi svæðinu fyrir óviðkomandi.

Umhverfispættir

Í greinargerð kemur fram að þynning frárennslis út í Galtalæk sé talin það mikil að það hafi ekki áhrif á læki fyrir neðan stöðina. Einnig kemur fram að í Galtalæk og Tangarvatni er sleppifiskur ýmist urriði eða bleikja, en veiðileyfi eru seld og er það hluti af ferðaþjónustunni.

Að mati Umhverfisstofnunar er mikilvægt að frárennsli sé vakt að svo það beri ekki með sér mengun. Umhverfisstofnun bendir á lög um stjórn vatnamála nr. 36/2011 en markmið þeirra er að vernda vatn og vatnskerfi þess, hindra frekari rýrnun vatnsgæða og bæta ástand vatnavistkerfa til þess að vatn njóti heildstæðrar verndar. Nú hefur verið birt stöðuskýrslu um ástand vatnamála og síðan verður hafin vinna við gerð vatnaáætlunar í samvinnu við viðkomandi sveitarfélög. Umhverfisstofnun bendir á að mengun eykur álag á ár og læki á svæðinu.

Niðurstaða

Ljóst er að svæðið sem fiskeldisstöðin að Galtalæk er staðsett á hefur verið sléttað og skipt hefur verið um jarðveg. Fram kemur í greinargerð að ekki sé rými fyrir aðgengi fyrir almenning milli Galtalækjar og fiskeldiskerja eins og skipulagsreglugerð gerir ráð fyrir, og telur Umhverfisstofnun það miður. Mikilvægt er að frárennsli frá stöðinni og þynning þess sé vaktað svo ekki sé hætt á að mengun berist í læki og ár frá stöðinni m.a. til að koma í veg fyrir ofauðgun. Tekið verður á mælingum og vöktun í starfsleyfi fyrir fiskeldisstöðina.

Virðingarfyllt

Kristín S. Jónsdóttir
Kristín S Jónsdóttir
Sérfræðingur

A. Birna Guð.
Aðalbjörg B Guttormsdóttir
Teymisstjóri

Skipulagsstofnun

